



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /20
Datum: 2020. godine

PRIJEDLOG

Na osnovu člana 8.,9. i 13. Zakona o principima lokalne samouprave ("Službene novine FBiH", broj: 49/06 i 51/09), člana 14. Statuta Općine Tešanj («Službeni glasnik Općine Tešanj», broj: 11/07), i člana 10. Zakona o upravljanju otpadom ("Službene novine FBiH", broj: 33/03 i 72/09), Općinsko vijeće Tešanj na svojoj _____ sjednici, održanoj _____ 2020. godine, donosi

**ODLUKU
o usvajanju Plana upravljanja otpadom općine Tešanj 2020 - 2024**

Član 1.

Usvaja se Plan upravljanja otpadom općine Tešanj za period 2020 - 2024. godine.

Član 2.

Planom upravljanja otpadom doprinosi se ostvarenju slijedećih ciljeva:

- Smanjenje rizika po okoliš i zdravlje ljudi i uspostava infrastrukture za integralno upravljanje otpadom;
- Smanjenje količina otpada za finalno odlaganje/zbrinjavanje uz efikasnije korištenje resursa;
- Osigurava provedba sistema kroz pravni, institucionalni i ekonomski okvir.

Član 3.

Planom upravljanja otpadom utvrđeni su slijedeći zadaci:

- sakupljanje opasnog otpada iz domaćinstava;
- korištenje komponenti iz komunalnog otpada;
- smanjenje procenta biorazgradivog otpada i ambalažnog otpada u komunalnom otpadu;
- podizanje javne svijesti u upravljanju otpadom;
- lociranje postrojenja za upravljanje otpadom;
- saradnja između općina radi postizanja zadatih ciljeva.

Član 4.

Sastavni dio ove Odluke je Plan upravljanja otpadom općine Tešanj za period 2020 - 2024. godine.

Član 5.

Ova odluka stupa na snagu narednog dana od dana objave u "Službenom glasniku Općine Tešanj".

PREDSJEDAVAJUĆI VIJEĆA

Subašić Senad, dipl.ecc

Obrazloženje

I PRAVNI OSNOV

Pravni osnov za donošenje ovog Plana sadržan je u:

- članu 8., 9. i 13. Zakona o principima lokalne samouprave ("Službene novine FBiH", broj: 49/06 i 51/09),
- članu 14. Statuta Općine Tešanj («Službeni glasnik Općine Tešanj», broj: 11/07) i
- članu 10. Zakona o upravljanju otpadom ("Službene novine FBiH", broj: 33/03 i 72/09).

II RAZLOZI ZA DONOŠENJE

Nacrt odluke o usvajanju Plana upravljanja otpadom općine Tešanj 2020 – 2024 usvojen je na 35. sjednici Općinskog vijeća Tešanj održanoj 31.01.2020. godine. Usvojen je Zaključak broj: 01-49-2-490-3/19 kojim je Nacrt odluke stavljen na raspravu.

Usmena javna rasprava je provedena 28. februara 2020. godine. U toku rasprave nije bilo primjedbi koje bi uticale na izmjenju Odluke ili Plana.

Osim javne rasprave sagledana je i rasprava koja je vođena na samoj sjednici Općinskog vijeća te mišljenje Komisije za zaštitu čovjekove okoline čiji je prijedlog o povećanju broja kompostera uvažen.

Akt o sumiranju javne rasprave je u prilogu Odluke.

OBRADIVAČ

Služba za finansije, privredu, komunalne
i inspeksijske poslove

Hamzalija Hojkurić, dipl.ecc



PREDLAGAČ

OPĆINSKI NAČELNIK

Mr. sci. Suad Huskić,

Broj: 02-49-2-490-5/20

Dana, 17.03.2020. godine





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-02-1-1459-4/19
Datum: 16.03.2020. godine

**OPĆINSKO VIJEĆE TEŠANJ
O V D J E**

PREDMET: Sumiranje javne rasprave,-

Općinsko vijeće Tešanj je na svojoj 35. redovnoj sjednici održanoj 03.02.2020. godine razmatrajući Nacrt odluke o usvajanju Plana upravljanja otpadom općine Tešanj 2020-2024, usvojilo je zaključak kojim se prihvata Nacrt odluke i ista upućuje na javnu raspravu.

Na samoj sjednici Općinskog vijeća u raspravu se uključio veći broj općinskih vijećnika. Tom prilikom vijećnici su postavili i određena pitanja vezana za provođenje Plana upravljanja otpadom. Radni tim koji je pripremao Plan upravljanja otpadom razmotrio je pitanja sa rasprave i daje slijedeće odgovore:

- Zeleni pojas oko deponije je planiran kroz Program sanacije deponije Bukva.
- Regionalna deponija za sada nije realna opcija, odvoz smeća na deponiju u Zenicu je nerealan, jer i Općine koje sada odvoze otpad na deponije Mošćanica odustaju od tog koncepta, jer je isti preskup.
- Plan upravljanja otpadom, kao i projekat sanacije deponije, bazirani su na regionalnom konceptu.
- Deponija se zatvara čim se obezbijedi funkcionisanje regionalne deponije za regiju kojoj pripadamo.
- Planirane količine otpada su rađene na osnovu realnih podataka i na osnovu iskustvenog podatka o količini otpada po glavi stanovnika. Također su uzeti u obzir i budući novi korisnici odvoza smeća na deponiju. Ima ih oko 3500.
- Odvoz krutog otpada će biti planiran tri puta godišnje, a o istom će stanovništvo biti obaviješteno putem medija.
- Edukacija stanovništva je planirana Planom upravljanja otpadom.
- Preventivne mjere za prikupljanje i deponovanje otpada se podrazumijevaju i nisu predmet Plana,
- Spalionice otpada nisu realna opcija, jer se za uređaje takvog tipa trebaju obezbijediti dovoljne količine otpada. Podaci stručnjaka koje smo kontaktirali pokazuju da prostor cijele bivše države nema dovoljne količine otpada da opravda takvu investiciju.
- Plan upravljanja otpadom je tretirao i autootpade za koje smatramo da je veliki problem, ali isti nisu u nadležnosti Općine.

Osim toga Radni tim je prihvatio prijedlog Komisije za zaštitu čovjekove okoline da se broj kompostera za podjelu domaćinstvima uprosječi na 300 komada godišnje.

Usmena javna rasprava bila je zakazana za 28. februar 2020. godine, tom prilikom pozvani su svi građani općine Tešanj, privredna društva koja se bave prikupljanjem i recikliranjem raznih vrsta otpada, vlasnici zgrada, kućni savjeti, privredna društva i svi zainteresovani da svoje primjedbe i prijedloge na Plan upravljanja otpadom mogu iskazati neposredno ili dostaviti do 10. marta 2020. godine. Na javnoj raspravi nije bilo primjedbi i prijedloga na Odluku i Plan upravljanja otpadom.

Dostavljeno:

1. Općinsko vijeće,
2. a/a



POMOĆNIK OPĆINSKOG NAČELNIKA
Hamzalija Hojkurić, dipl.oec.